





農丈人詩集卷之五

目錄

瑤池曲三章壽雲間陸太參母夫人

寄贈錢汝瞻侍御

集張司馬公山亭

送沈嘉則

汪惟一携尊落石

吳仲實邀同水竹塢

吳伯舉酌溪上



世系文八詩集  
目錄卷五  
一  
谿園同吳仲足賦

汪長文袁穉章集小樓分得雲字

過錫山悼友人陳貞父

餞別肩吾郊外不至詩以速之

集屠田叔霞爽閣餞肩吾

翁令公邀集陸園賦謝

張孺覺邀同陸啟原陪翁令公於蕭園園

即孺覺尊人司馬公所遺構孺覺加闢

焉余於司馬公稱門下士故多感舊之

語云

屠緯真邀翁令公集娑羅園緯真好道得

稱飛瓊

陸啟原邀陪翁令公於湖樓是日雨即事

陸園奉邀翁令公同諸君即席賦

楊叔向邀陪翁令公於樗園分得濛字

張大司馬席上留別二首

李賓甫招游蕭臯二首

送李道甫僉憲山東



裴太僕省親歸臨汀賦贈

汪長文治具湖堂對菊

仝屠田叔李之文林道卿集楊叔向樗園

燕坐偶成寄文融

小憩天童禪院

越州推府陳思進按行明州海上諸邑歌

五章

沈嘉則客海陵於高生之往也作絕句寄

馬凡五首

傅御史行有序

維揚送彭郡博之官

贈開府中丞劉公

贈門人郝謙伯孝廉

陸啟原叅知邀集湖樓

贈江都陸無從

留別社中諸友得斜字二首

東歸舟中寄懷周國雍四首時國雍為南

戶曹



同張司馬公游茂嶼四首

送吳山人游三衢二首

留別汪禹人三首

王仲律見過與之譚玄別而贈此三首

題逗雲湖

題緯蕭軒

游四明山二十四韻

瀛海曲七解有序

巡海使者范公即轉浙江右轄賦贈

贈隱君葛公旦

題醉茶軒

歙僧朝海過訪賦此為贈因寄溪南吳氏  
諸故人共四首



農丈人詩集卷之五

農丈人詩集卷之五

古鄆余寅僧杲著

瑶池曲三章壽雲間陸大參母夫人

瑶池安從黥其若蒙  
壘經天外宛彤自宮  
有姥都之宜聖容後  
天而老穆且雖

瑶池安底曾城周時  
沕滴爰起迎景及履  
有姥馮之委其似迴  
旋日月禔萬喜

瑶池安育百球攸族  
天柱斯矗上帝曰篤  
有姥眷之見耆夙章  
則義問騰九牧



寄贈錢汝瞻侍御

昨日長安塵似土諸公頽洞如哮虎今日長安  
土似塵諸公滅沒成飛燐綺陌香街花幾度猶  
憶當時夢中路一朝顧盼生光輝使我聲名走  
如赴世路悠悠那復知散盡波濤起烟霧歎有  
從前老布衣不忘摩娑古庭樹等閒萬事煞可  
論姓名何必畫麒麟君家叢桂鬱鬱森從耳我亦拂  
石栽脩筠山中流雲坐超忽將雲比髮髮更白  
如此頭顱欲待誰白楊夜夜號西陌荒垆木落  
訝猶煖富貴不來空恨晚脉脉銜杯學避人不  
問從他誚偃蹇

集張司馬公山亭

不分湖光駛紛從雨色來殷勤勞白恰次第俯  
青梅苔密親綦履花殷膩酒杯後生饒自喜歡  
伯莫須裁

送沈嘉則

別去家分明令人不願醒碧梧天一半何限大  
湖青積水明殘日空堤散曙星倉庫端自好早



晚傍誰聽

汪惟一携尊落石

懸水絕浮埃天青列障開暫相豪短髮應共倚  
深杯密雨常歸樹輕雲不破苔偶然成俯仰魚  
鳥莫須猜

吳仲實邀同水竹塢

牢落吾方甚沉冥爾更深人情看道路世事憶  
山林挂幘當清沚開尊對碧岑炎歎胡乃甚不  
解拂衣心

吳伯舉酌溪上

夕宛坐沙壩長楊漫遠天藏人蘿薜裡餉客芟  
荷前風已辭闌闌雲堪老偃佺歌成池水綠茲  
意若為傳

谿園同吳仲足賦

曠望一登樓長空莽不收日亭千竹午天幕萬  
松秋容與洲前意差池物外儔自堪歲赤日何  
用恨淹留

汪長文素穉章集小樓分得雲字



有友坐宵分清言自不群天清放寥廓林白走  
氤氳興罷旋生雨情來直造雲南隣富絲竹歌  
吹正紛紛

過錫山悼友人陳貞父

逝矣陳貞父經今又幾霜暮潮隨地滿秋草徧  
天長有膽能剗决無髯自戟張應多靈氣在夜  
夜燭高岡

餞別肩吾郊外不至詩以速之

稍可須臾得終然佇望孤蒼茫如密雨廓落在

華蕪高鳥披空入浮雲絕上驅青桐當水滴音  
甚為誰都

集屠田叔霞爽閣餞肩吾

不謂王程促相將丙夜追華燈紛旖旎大占任  
支離綺閣明星衆高城朗月遲徑排嚴闥去不  
問主人辭

翁令公邀集陸園賦謝

睥睨前頭景物賒何須題鳳到他家園林韶媚  
知風信水石清芬借月華曉逐鳴騶喧燕雀春



隨飛旆轉菜麻使君盛德如玄酒且放漁陽別  
日搗

張孺覺邀同陸啟原陪翁令公於蕭園園  
即孺覺尊人司馬公所遺構孺覺加闢  
焉余於司馬公稱門下士故多感舊之  
語云

司馬丰標蓋代希辟彊園好重追思真臺此日  
明明在杖屨當年步步隨雲樹臨流相映帶星  
河微曙有低垂君侯雅自憐名德肯借高軒到

水湄

屠緯真邀翁令公集娑羅園緯真好道得

稱飛瓊

霞萼層疊自逶迤風尚岿峩盡榜題問酒有名  
今下簷若聽歌無恨古前溪一林好鳥啼芳樹五  
夜明星爛大堤曲幄貯將誰得似許飛瓊在萬  
花低

陸啓原邀陪翁令公於湖樓是日雨即事  
不量晴雨便稱危此日湖樓別有姿雲勢轉看



成峯律風紋不斷走連漪輞川庄上尋遺跡杜  
曲城南空古陂惟有祠前老蒼栢曾聽蕭鼓夜  
闌時

陸園奉邀翁令公同諸君即席賦

東皇淋氣傍湖來西府名花特地開萬姓喧闐  
齊出戶群公揖讓共登臺從今委巷生顏色自  
古高情屬草萊靈雀揣知人意思不將更點數  
相催

楊叔向邀陪翁令公於樗園分得濛字

使君盛有古人風不許鷗徒近赭桐新綠滿山  
俱幕歷繁星在水盡空濛短簫不隔巘花外孤  
艇長迴澗竹中座上何人頻岍幘願將狂簡乞  
山公

張司馬席上留別二首

碧樹引湖濱離歌倚夕曛高天初放月客路歎  
塞雲草綠川原接梅黃節候分愁心芳杜盡不  
忍向君聞

花下暫留歡高堂寶瑟寒老嫵名姓賤貧識道



途難汗漫真吾事  
踟躕且自安  
贈言勞大貝  
珍重醉中看

李賓甫招游蕭阜二首

隰隰迤芳洲  
鱗鱗宛綠疇  
雲來疑谷口  
雨絕渺江頭  
蘿薜情何限  
滄浪意可酬  
濁醪如此紫  
萸莫不似鴉鳩

霖霖午烟微  
流連夕照違  
偶然江水綠  
忽漫拂人衣  
是鳥邀歡盡  
何雲與倦非  
青棠一萬樹  
思殺老漁磯

送李道甫僉憲山東

除目偶然聞  
量移又到君  
敢言誰不次  
竟見失汝為  
群歷下來清  
濟封中起白  
雲三齊災沴  
日正想藉氤  
氲

裴太僕省親歸臨汀賦贈

暫輟乘黃寄  
遙將萼綠輝  
帝憐雙白髮  
詔賜與斑衣  
春雨萌初茁  
霜潭鯉正肥  
六時調膳罷  
莫不憶皇闈

汪長文治具湖堂對菊



逸興大湖飛蒼茫上白衣地將人共老霜與翁  
初肥遠韻通秋壑幽香散夕扉杯行天漢轉直  
犯啟明歸

全屠田叔李之文林道卿集楊叔向樗園  
古樹叢侵閣明河高壓城白蘋洲共遠青雀舫  
初輕病覺酒無力愁知花有情流螢紛箇箇隨  
意拂雕楹

燕坐偶成寄文融

竹日踈踈薄松雲冉冉低裘巾還自岝把筆為

誰題廓落心仍壯蹉跎事不迷舜江才百里流  
恨水俱西

小憩天童禪院

長康來寶地帝遣護禪闍象設虛無外玄通窈  
窕間白雲間在楚明月靜於山老檜離竒甚應  
知說大還

越州推府陳思進按行明州海上諸邑歌

五章

龍節煌煌迴曉日瑀旂獵獵捲秋風千林雜沓



驅山鬼一水分張拜海童

駟徒動地侵晨發炬火燒雲竟見夜闌負弩當先  
趨縣令橫戈殿後擁材官

馮陵一檝山川動照耀雙旌草木光鳥道天低  
過伍伯鯨波人立送餘艎

黑雕風急千山潤白鷗霜高萬落空精衛有靈  
呼列缺支祁無計避豐隆

丹筆敢聞屠伯健赭衣偏得吉人哀吏民明白  
龍胡去父老喧闐額手來

沈嘉則客海陵於高生之往也作絕句寄

馬凡五首

木脫霜高野戍明天涯白日坐馮陵江南野鳥  
無情甚啼遍長河一夜冰

塞鴈能輕海嶠低凍雲重疊不曾迷炎洲此去  
三千里掠水東來隔在西

白髮毵毵映水遙一生長寄木蘭橈蓬萊山下  
深無極聞道年來只及腰

海陵原是舊揚州海水何曾向北流若說邗溝



當日事幾人親見渡龍舟

後夜長虹下燭溪寒江不動萬峰齊楚天只在  
繁星外一望因君一倍低

傅御史行 有序

傅御史言事得罪詔杖謫戍定海徐給  
事喬李兩御史俱以奔抹貶官三等徐

信州人與余厚善

傅御史累綬都官正自此何獨東來汎江汜澤  
國荒唐沍秦陰絕與周廬不相似山川呵護縱

有靈已走風塵四千里今人皆言御史好君為

御史官不保信州給事我友人急難疾於風雨

蚤喬君李君真丈夫憂來萬事青天孤乃知富

貴不足有昨日內召今泥塗禹疆之神黃帝子

掌我東海萬年祀歲歲馮夷供肅將玄幢出沒

波濤駛蛟螭充巨割龜鼉當小鮮江豚紛百拜

窳竊贊大賢焦釜漏無極柱在鴻荒前綠字大

于斗高頌三山鑄驟爾聞此魂直灑君來對之

何不可爾時溟漲倍往日天吳橫決崩雷疾水



府茫寒未易尋咫尺吁嗟風又失燭龍之事毋  
爾為又况不在東南陞崑崙使者傳雙翼今年  
未訊扶來枝勸君且飲東海水勸君且食東海  
禾 朝廷恩數良已多放君白日來蹉跎

惟揚送彭郡博之官

平生拜謁都不有今日殷勤送彭叟茱萸灣上  
水正紅相傳脂水棄隋宮隋家樓殿矗雲起不  
道當時飛藿似丈夫意氣論鼎鐘偶然量移何  
當榮東京博士盡倚席錚錚誰者今時力臨岐  
之意不在酒豈是空然執君手

贈開府中丞劉公

扶桑迤外自風馳武庫勲名世所竒山海諸神  
來受記東南半壁坐分麾中黃樞靜前茅遠太  
白旗高午漏遲班劍隊中鏡吹發萬人謠誦萬  
年私

贈門人郝謙伯孝廉

爾家閶闔冢嶙峋寶樹秦秦復幾人直遡燕山  
為窟穴真從淮海浴騏驎舊時事往猶追賞前



輦風高欲悵神閭闔正開賢者路飛騰何日渡  
天津

陸啟原叅知邀集湖樓

秘監祠前島嶼迴分將一曲抱層臺湖光百丈  
衝霞起樹色千重帶月來繁吹似聞鶯歷亂巖  
觴不禁燕喧夜闌燈火紛如晝狼藉星光滿  
路隈

贈江都陸無從

竹西社裡老明經長闢淮陽問字亭自信三年

菹易嚼誰憐千日酒難醒梁鴻屋上雲光白高  
鳳庭前雨氣青絕喜大兒曾拒客蓬頭歷齒戶  
常高

留別社中諸友得斜字二首

又作前征計重煩岐路嗟壯心猶自許快事莫  
須誇古蘄高丘沒長河故道斜偶然多月色萬  
里正平沙

漸覺人群是寧知吾道賒閭闔無外戶天地有  
重華一日肝腸醉臨風鬢髮斜桑乾河水溢聞



說萬夫嗟

東歸舟中寄懷周國雍四首時國雍為南

戶曹

人生何用適客意自難平  
若久江南住吾空冀  
北行功名惟候鴈歲月又河榿  
好訊長淮水殷  
勤過石城

夙昔未云已蹉跎良可哀  
書無論契濶夢有惜  
徘徊星掣高原過雲披巨瀆來  
此時江上樹歷  
亂為誰開

昨去莎鷄振今來靡草空  
行行芒碭野徃徃石  
尤風貫酒當誰共耽詩祇自攻  
一年曾幾日強  
半在舟中

春風欺特甚長路浩何賒  
底是浮生嬾都無大  
夢誇東標霞氣赤西柄斗文斜  
何處存知己天  
涯有怨嗟

同張司馬公遊茂嶼四首

寥廓高秋淨  
公洄別墅遙  
山深長作霧  
海近不通潮  
歲月寧相假  
林泉且自驕  
何須招大隱  
混



迹到漁樵

綠樹直聳青天何山不可憐  
濯纓秋雨後揮塵晚風前  
返照踈林薄飛流決石泉  
高樓仍四望處處接神僊

何用恣躋攀開門即大觀  
地盤滄海曲天遠大湖寬  
出日看初浴歸雲擁乍寒  
山中無俗想魂夢自便安

白日傳杯過青山入座看  
樹頭嵐氣重沙上雨聲乾  
勝事酬猿鶴幽期結蒹葭  
蘭因思巢許輩畢

竟是何官

送吳山人游三衢二首

太末山前景物奇故人西去采江蘼  
城頭雲氣如鱗甲猶似當時姑蔑旗

無數峰巒凝紫烟無端總入客中憐  
忽然轉出江郎石片片飛來墮馬前

留別汪禹人三首

解后揚州是幾時即今相見又相離  
臨岐不醉殷勤酒空向天涯結後期



故人何處訊離居不用題詩并寄書但得在家  
看白髮絕勝把手歎躊躇  
當杯不飲欲如何耐可青天只者訶不是新安  
酒力薄年來較得醒偏多

王仲律見過與之譚玄別而贈此

短牆欲下與葵平粉籜朝踈露氣清霄半似聞  
鸞吹發女貞花底說長生  
閨風使者尺書明小可藏輪萬里輕不是凡情  
消未盡何妨結伴市廛行

曾共燕山吊慶卿偶來選石聽流鶯相看剩却  
頭顱在霜霰紛紛墮酒觥

題逗雲湖

底事平湖太劇青和風和雨屬沉冥輕鷗習習  
紛相逐不問人間有醉醒

題緯蕭軒

日月如山寐莫過有人別墅歎蹉跎數將籬下  
閒花朵不似星星兩鬢多

游四明山二十四韻



澤國高寒氣秋旻廓落情山經標特勝仙籍侈  
多旌凌厲眇三島遵循隘九瀛剛風鼓蓬勃朗  
宿錯經營窈窕谿初發超超嶺欲驚翠濤儲萬  
斛紫霧冪千楹瀑迅昨宵雨雲乾此日晴祥年  
愁蹶躡俊鷗快縱橫珞琌開屏勢琮琤引吹聲  
八紘真汗漫五岳浪鏗鎗自作擔簦去難論戴  
釜征葛洪原有約禽慶獨何名孤嘯神霄半雙  
眸大海平華旂通太乙梨杖倚長庚鳩鵲遙相  
唳鷓鴣午乍鳴青菁炊作餉白襪裹為程喜劇  
歎氛絕驕多袷袂輕紆行蛇出谷小坐雁分坪  
矯首狗靈塔綠袂聳化城芝童紛出矚毛女恍  
來迎許寂劍何往劉綱榭已傾荒荒都信足默  
默但盱衡猶隘寰中在何時海外盟倥豐應只  
尺薦我以雙瓊

瀛海曲

瀛海曲者古水調歌蓋舊譜也近多新  
詠任丘憲伯劉公古德醇媿百福具臻  
既偕吾伯母氏稱大耋矣長公東朝



農文八詩集 卷五  
師友次公開府海上東人食其實不佞  
寅獲在世講之末謹援之以作頌焉夫  
風人意得即倚興為屬倚屬為賡何復  
津域之云凡七解

人世如流霜飛黃越其阻人世如流霜飛黃越  
其阻至人長嘯隘中區別有天地開鴻宇舉袂  
稍回旋蓬壺渺洲渚朝餌風宵暮殮雲子一鼓  
瑤華音瞬息已千紀歌以言志飛黃越其阻一  
解  
何時登閬風來自崑崙墟何時登閬風來自

崑崙墟霞舉從湯谷並轡以望舒睢盱一氣內  
婆娑此焉胥呼雙成命拂舞顧飛瓊使右斲屏  
辟萬慮渾朏本初歌以言志來自崑崙墟二解  
皇天偶相付寄命勤斯人皇天偶相付寄命勤  
斯人秉麾此一方所至揚景芬榮光滿河洛五  
老稱主臣大信原不假鳳凰儀吾仁稚子何所  
狎狎彼陌上鶉歌以言志寄命勤斯人三解  
矯人矯人中龍濶視九州外矯矯人中龍濶視九州  
外人亦有言敢不自瑞駟馬高蓋使心不泰萬



鍾之祿視如鉗鈇達人所憂在彼綠綵太息東  
門折此左轄群真遲我於河之次優哉游哉聊  
以永歲歌以言志濶視九州外四解聚窟渺何  
許鳳麟以萃止聚窟渺何許鳳麟以萃止扶輿  
鍾淋清報既有異采明廷揚紫芬頓首贊喜起  
煌煌秉黃鉞東來靖滄海一姓無兩雄可以叅  
元愷歌以言志鳳麟以萃止五解扶桑日東出  
八年作我樊扶桑日東出八年作我樊赤斧從  
天來萬里風雲屯精彩在大旗鯨鯢不敢翻漲

海盡安瀾功比銅柱尊嗟汝橫目民食此誰當  
恩歌以言志八年作我樊六解太行無終極逶  
迤如大年大行無終極逶迤如大年勝噐保貞  
吉契合象帝先道要已銓總樞機通上玄光塵  
不可挹彷彿見華顛允哉百世師寥絕空雲烟  
歌以言志逶迤如大年七解

巡海使者范公即轉浙江右轄賦贈

開牙未久意何其龕赭門高日下遲  
聖主不教更別鎮東人何用怨離思指摩已借



風雲力談笑聊分出納司怪道扶來多氣色海  
陬應見大儒為

贈隱君葛公旦

青桂如屏覆綠苔龍丘長住越山隈少微星自  
天中見大隱風從海上迴珍重祇看樞具劍沉  
冥長傍巨羅杯自憐此足無伸處誰為先生製  
屨來

題醉茶軒

何事堪排老崛強津津紫笋可禁當鳩坑欲報

雷時節贏得錙伶鍾裏暘

鼎鑪脉脉意何窮煬突摩娑問阿翁此際風前  
鍊如意模糊不辨向誰雄

歎僧朝海過訪賦此為贈因寄溪南吳氏  
諸故人共四首

白雲何事擁袈裟消息真傳一樹花聞說如來  
曾現相幡幢千隊向誰賒

四大門中證若何慈悲不惜向龜鼉慧光倘在  
滄波上著地拈香右膝多



春風無處問蹉跎  
千日相思一日多  
記得豐干溪上水  
垂楊百尺不生波

故人都在碧雲端  
谿路迢迢一萬盤  
馮着君家三昧力  
夜來飛夢不曾難

農丈人詩集卷之五

書記周禮寫



